

# INUIT ATAQATIGIIT INATSISARTUNI



UPA2022/129

Maajip 11-at 2022

Mariia Simonsen

**Nipilersortartut nipilersornikkut isertitaat B-tut  
nalunaarsorsinnaangortinnissaat pillugu, A-tulluunniit  
akileraartussatut nipilersortitsisumiit akissarsitinneqartarlutik  
toqqagassinneqarsinnaangornissaannut periarfissat pillugit  
Naalackersuisut misissoqqullugit Inatsisartut aalajangiiffigisassaattut  
siunnersuut. Inatsisitigut suut allangortinneqassanersut  
misissuinerup qulaajassavai, qanorlu taamatut aaqqissuussinikkut  
allaffissornikkut aningaasatigullu kingunerissanerai  
takutinneqassallutik. Misissuinnerup inernerai Inatsisartunut  
agguanneqassaaq kingusinnerpaamik UPA2023.**

(Inatsisartunut ilaasortaq Aqqalu C. Jerimiassen, Atassut)

Aqqalu C. Jerimiassenip aalajangiiffigisassatut siunnersuutaanut Inuit  
Ataqatigiinni ima oqaaseqassaagut:

Inuussutissarsiutigalugu nipilersortartut akileraarutit tungaasigut qanoq  
oqilisaanneqarsinnaanerannik kissaatigineqartoq tunngaviatigut  
paasisinnaagaluarlugu nipilersortartut inuussutissarsiortunit allanit  
allaanerusumik pineqarnissaannut tunngaviusinnaasumik  
illersorneqarsinnaasumik Inuit Ataqatigiinni takusaqarsinnaanngilagut,  
taamaattumillu siunnersuut oqaasertaatigut tapersersinnaanngilarput,  
naalackersuisulu allanguutissatut siunnersuutaat akueriumaarlugu.

Soorlu Inatsisartuni partiit tamarmik ilisimallualereeraat nunatsinni  
akilerartarnikkut aaqqissuussineq nutaaq naalackersuisuni piareersarneqarpoq.  
Akileraartarneq naapertuilluarnerusoq pisariinnerusorlu Inuit Ataqatigiinni

# INUIT ATAQATIGIIT INATSIARTUNI



orniginarteqaarput, taamaalilluta inuussutissarsiortut ataasiakkaat immikkoortiterpallaarnagit aqqissuussisinnaalerniassagatta.

Taamaattumik nutarterinerup partiinut isumaqatigiinniutigineqarluni politikikkut suliarineqalernissaa allatulli erinisulluta utaqqivarput, suliamullu tassunga Aqqalu C. Jeremiassenip siunnersuutaata pulatinneqarnissaanik naalakkersuisut allannguutissatut siunnersuutaat taperserparput.

Taama oqaaseqarluta siunnersuut ataatsimiititalimut susassaqartumut innersuupparput.